

"Кәмелетке толмағандарды уақытша оқшаулау, бейімдеу және оңалту орталықтары туралы ережені бекіту туралы"

Күшін жойған

Қазақстан Республикасы Ішкі істер министрлігінің 2004 жылғы 25 желтоқсандағы № 708 бұйрығы. Қазақстан Республикасының Әділет министрлігінде 2005 жылғы 17 қаңтарда тіркелді. Тіркеу № 3360. Күші жойылды - Қазақстан Республикасы Білім және ғылым министрінің 2011 жылғы 10 қаңтардағы № 1 Бұйрығымен.

Күші жойылды - ҚР Білім және ғылым министрінің 2011.01.10 № 1 (ресми жарияланған күнінен бастап қолданысқа енгізіледі) Бұйрығымен. (Ескеरту.

"Кәмелетке толмағандар арасындағы құқық бұзушылықтардың профилактикасы мен балалардың қадағалаусыз және панасыз қалуының алдын алу туралы" Қазақстан Республикасының Заңын іске асыру мақсатында

Б Ұ Й Ы Р А М Ы Н :

1. Қоса беріліп отырған Кәмелетке толмағандарды уақытша оқшаулау, бейімдеу және оңалту орталықтары туралы ереже бекітілсін.

2. Астана, Алматы қалалары, облыстардағы және көліктегі Ішкі істер басқармаларының (бас басқармаларының) бастықтары, Қазақстан Республикасы Ішкі істер министрлігінің арнайы полиция басқармасы:

1) ішкі істер органдарының басшы және инспекторлық құрамының осы Ережені зерделеуін ұйымдастырысын;

2) кәмелетке толмағандар саласы бойынша ішкі істер органдарының қызметін реттейтін Қазақстан Республикасының заңына сәйкес Ереженің нақты және бірдей қолданылуын қамтамасыз етсін;

3) Кәмелетке толмағандарды уақытша оқшаулау, бейімдеу және оңалту орталықтарының штаттық құрылымы мен санын Үлгілік штаттарға (Ережеге 3-көсімшама) сәйкес келтірсін. Кәмелетке толмағандарды уақытша оқшаулау, бейімдеу және оңалту орталықтары қызметкерлерінің Ереженің талаптарын зерделегенін анықтау үшін олардың білімін бағалауды ұйымдастырысын.

4. Осы бұйрықтың орындалуын бақылау Қазақстан Республикасы Ішкісмині Қоғамдық қауіпсіздік департаментінің бастығы полиция полковнигі Г.А. Алпысбаевқа жүктелсін.

5. Осы бұйрық Қазақстан Республикасының Әділет министрлігінде мемлекеттік тіркеуден өткен күнінен бастап күшіне енеді.

*Министрдің міндетін атқарушы
полиция генерал-лейтенанты*

*Казақстан Республикасының
Бас прокуроры*

12 қаңтар 2005 жыл

*"Келісілді"
Республикасының
прокуроры*

*Казақстан Республикасының
Білім және ғылым министрі*

6 қаңтар 2005 жыл

*"Келісілді"
Республикасының
Денсаулық сақтау министрі*

30 желтоқсан 2004 жыл

*Казақстан Республикасы
Ішкі істер министрлігінің
2004 жылғы 25 желтоқсандағы
N 708 бұйрығымен бекітілген*

Кәмелетке толмағандарды уақытша оқшаулау, бейімдеу және оңалту орталығы туралы ереже

Осы Ереже Кәмелетке толмағандарды уақытша оқшаулау, бейімдеу және оңалту орталықтары қызметінің құқықтық негіздерін, кәмелетке толмағандар арасындағы құқық бұзушылықтардың және балалардың қадағалаусыз қалуының профилактикасы саласындағы олардың құзыретін айқындайды.

1. Жалпы ережелер

1. Кәмелетке толмағандарды уақытша оқшаулау, бейімдеу және оңалту орталықтары (бұдан әрі Орталық) - осы Ереженің 3-тармағында аталған кәмелетке толмағандарды қабылдауды және уақытша ұстауды, әлеуметтік бейімдеуді және оңалтуды қамтамасыз ететін ішкі істер органдарының қарамағында болатын арнайы балалар мекемелері болып табылады.

2. Орталықтың негізгі міндеттері:

1) кәмелетке толмағандар арасындағы құқық бұзушылықтардың, қадағалаусыз және панасыз қалудың алдын алу, оған ықпал ететін себептер мен жағдайларды анықтау және болжау;

2) кәмелетке толмағандарды қабылдау, кәмелетке толмағандарды әлеуметтік бейімдеу және оңалту;

3) кәмелетке толмағандарды құқық бұзушылықтар немесе қоғамға жат іс-әрекеттер жасауға тарту фактілерін анықтау және жолын кесу;

4) кәмелетке толмағандарды арнайы білім беру үйымдарына және ерекше режимде ұстайтын білім беру үйымдарына жеткізу, тұрып жатқан балалар мен жасөспірімдерді орналастыру жөнінде өзге де шаралар қабылдау болып та б ы л а д ы ;

5) кәмелетке толмағандарды бағып-күтудің, мекеменің аумағын күзетуді, тәрбиеленушілердің жеке қауіпсіздігін және олардың теріс әсерден барынша қорғалуын, мекеменің аумағына бөгде адамдардың еркін кіруін және одан тәрбиеленушілердің өз еркімен кетуін шектеуді, кәмелетке толмағандарды тәулік бойы, оның ішінде ұйқыға бөлінген уақытта қадағалау мен бақылауды, кәмелетке толмағандардың өздерін, олардың заттары мен тынығатын бөлмелерін тексеріп қарауды қамтитын арнайы жағдайларын қамтамасыз етеді.

2. Кәмелетке толмағандарды уақытша оқшаулау, бейімдеу және оқалту орталықтарының қызметін үйымдастыру

3 . О р т а л ы қ қ а :

1) қылмыстық жауаптылықта тартылатын жасқа жеткенге дейін қоғамға қауіппі әрекет жасаған ;

2) өмір сүру және тәрбиелену жағдайлары бойынша бұрынғы тұрғылықты жерінде бұдан әрі тұру мүмкіндігі болмаған жағдайларда қылмыс жасағандығы айыпталған ;

3) арнаулы білім беру үйымдарына және ерекше режимде ұстайтын білім беру үйымдағына жіберілген ;

4) ата-аналарын немесе басқа да занды өкілдерін анықтау үшін үш жастан он сегіз жасқа дейінгі қадағалаусыз және панасыз қалған;

5) уақытылы орналастыру мүмкіндігі болмаған жағдайда ата-анасының немесе олардың орнындағы адамдардың қамқорлығының қалған, сондай-ақ олардың өміріне немесе денсаулығына тікелей қауіп төнген кезде қорғаншы және қамқоршы органды ата-анасынан (олардың біреуінен) немесе оларды қамқорлыққа алған басқа да адамдардан алып қойған кәмелетке толмағандар белгіленген тәртіппен орналастырылады .

Осы тармақтың 4) және 5) тармақшаларында аталған кәмелетке толмағандар Орталықта өзге де негіздер бойынша ұсталып отырған кәмелетке толмағандардан бөлек ұсталады.

4. Кәмелетке толмағандарды Орталыққа орналастыруға:

1) осы Ереженің 4-тармағының 1), 2) және 3) тармақшаларында аталған кәмелетке толмағандарға қатысты - прокурор санкция берген қылмыстық

қудалау органының қаулысы немесе соттың қаулысы;

2) осы Ереженің 4-тармағының 4) және 5) тармақшаларында аталған кәмелетке толмағандарға қатысты - қорғаншы және қамқоршы органының қаулысы негіз болып табылады.

Кәмелетке толмағанды Орталыққа орналастыру туралы қаулыға міндettі кәмелетке толмағанның тұрғын үй-тұрмыстық жағдайларын зерттеу актісі мен мінездемесі, сондай-ақ оның ата-анасының (тұрғылықты жері анықталған жағдайда) мінездемесі, Орталыққа орналастыру себептерін негіздейтін қалалық, аудандық, желілік ішкі органдарының бастығы бекіткен қорытындының көшірмесі қосылады. Осы Ереженің 4-тармағының 1) тармақшасында көрсетілген кәмелетке толмағандардың материалдарына қылмыстық жауапкершілікке тартылатын жасқа толмауына байланысты қылмыстық іс қозғаудан бас тарту туралы қаулының көшірмесі, ал осы Ереженің 4-тармағының 2) тармақшасында көрсетілген кәмелетке толмағандардың материалдарына айыпталушы ретінде жауапқа тарту туралы қаулының көшірмесі қоса беріледі.

5. Тұнгі уақытта, демалыс немесе мереке күндері, сондай-ақ өзге де ерекше жағдайларда осы Ереженің 1-тармағының 1), 4) және 5) тармақшаларында аталған кәмелетке толмағандар Орталыққа қалалық, аудандық, желілік ішкі істер органы бастығының (бастықтың орынбасарының) қаулысы негізінде орналастырылуы мүмкін (1-қосымша), бұл туралы жиырма төрт сағат ішінде Орталық әкімшілігі Орталықтың орналасқан жері бойынша прокурорды жазбаша түрде хабардар етуге міндettі.

Осы тармақта аталған кәмелетке толмағандарды одан әрі ұстай не орналастыру туралы мәселені шешу үшін оларға қатысты материалдарды Орталыққа орналастырылған сәттен бастап үш тәулік ішінде қалалық, аудандық, желілік ішкі істер органдарының қызметкерлері:

осы Ереженің 4-тармағының 1) тармақшасында аталған кәмелетке толмағандарға қатысты - сотқа немесе прокурорға (Орталыққа орналастыру туралы қаулы, қылмыстық істі қозғаудан бас тарту туралы қаулының көшірмесі, кәмелетке толмағанның тұрғын үй-тұрмыстық жағдайларын зерттеу актісі және мінездемесі, оның ата-анасының (тұрғылықты жері анықталған жағдайда) мінездемесі) ;

осы Ереженің 4-тармағының 4) және 5) тармақшаларында аталған кәмелетке толмағандарға қатысты - қорғаншылық және қамқоршылық органына (Орталыққа орналастыру туралы қаулы, панасыздық, қадағалаусыздық белгілері болуын негіздейтін қамқоршысыз қалғанын не болмаса баланың өмірі мен денсаулығына тікелей қауіп төнгені туралы қалалық, аудандық, желілік ішкі істер органының бастығы бекіткен қорытынды, мекенжай бюросының анықтамасы)
ұснылады .

Қалалық, аудандық, желілік ішкі істер органы прокурорға жіберілген хаттың және материалдардың көшірмелерін Орталыққа жібереді. Аталған материалдарды өз уақытында немесе өз уақытында ұсынылмаған жағдайда жауапкершілік кәмелетке толмағандарды Орталыққа жеткізген қалалық, аудандық, желілік ішкі істер органының басшылығына жүктеледі.

Кәмелетке толмағандарды Орталықта одан әрі ұстau туралы шешімді тиісінше прокурор, сот немесе қамқоршылық және қорғаншылық органдары қалалық, аудандық, желілік ішкі істер органдарынан түскен материалдарға сәйкес қабылдайды. Шешімнің қабылданғаны туралы ақпарат Орталықтың әкімшілігіне қалалық, аудандық, желілік ішкі істер органдарынан 24 сағаттың ішінде ұсынылады.

6. Кәмелетке толмағандарды Орталыққа орналастыру үшін қажетті құжаттарды жинақтауды ішкі істер органдары қамтамасыз етеді. Орталыққа жеткізілген кәмелетке толмағандар туралы деректер тігілген және нөмірленген журналға тіркеледі (6-қосымша). Кәмелетке толмағанның сауалнамалық деректері мен оның Орталыққа орналастырылу себептері толық анықталғаннан кейін оған қағаз және электрондық түрдегі есепке алу - статистикалық карточка (7-қосымша) толтырылады, ол алфавит ретімен 5 жыл сакталады, кейін мекеменің мұрағатына тапсырылады. Орталықта ұсталатын кәмелетке толмағандар туралы мәліметтер белгіленген тәртіппен ПББ-ПБ-нің, Алматы, Астана қалаларының ақпараттық-техникалық қызметі бөлімшелеріне жіберіледі.

7. Осы баптың 1-тармағында аталған кәмелетке толмағандардың Орталықта болу мерзімі отыз тәуліктен аспауға тиіс. Осы Ереженің 1-тармағының 2), 4) және 5) тармақшаларында аталған кәмелетке толмағандардың Орталықта болу мерзімі оларды орналастыру мүмкіндігін қамтамасыз ету, ата-аналарын немесе өзге де занды өкілдерін анықтау не қылмыстық істі жан-жақты тергеу үшін тек алты айдан аспайтын мерзімге ұзартылуы мүмкін. Осы санаттағы кәмелетке толмағандардың Орталықта болу мерзімін ұзартуға:

1) осы баптың 1-тармағының 2) тармақшасында аталған кәмелетке толмағандарға қатысты - прокурор санкция берген қылмыстық қудалау органдарының қаулысы немесе сottың қаулысы;

2) осы Ереженің 1-тармағының 4) және 5) тармақшаларында аталған кәмелетке толмағандарға қатысты - қорғаншы және қамқоршы органдарының қаулысы негіз болып табылады.

Кәмелетке толмағандардың Орталықта болу мерзімдерін ұзартудың әрбір жағдайында оның басшылығы тиісінше Орталықтың тұрган жеріндегі прокурорға немесе қамқоршылық және қорғаншылық органдына және Астана, Алматы қалалары, облыстардағы Ішкі істер Бас басқармаларының (басқармаларының) қоғамдық қауіпсіздік басқармасына оларды осы мекемеде

бұдан әрі ұстau қажеттілігі туралы негізделген материалдар ұсынады. Осы Ереженің 4-тармақтың 4) және 5) тармақшаларында аталған кәмелетке толмағандардың болуын екі айдан астам мерзімге ұзартудың әрбір фактісі бойынша Орталықтың оларды орналастырғаны туралы жұмысын растайтын материалдарының, қамқоршылық және қорғаншылық органдары жауаптарының көшірмелерін жинақтап, Қазақстан Республикасының Ішкі істер министрлігіне, қоғамдық қауіпсіздік басқармасы, Астана, Алматы қалалары, облыстардағы Ішкі істер Бас басқармалары (басқармаларының) бастықтары ақпарат жібереді.

8. Кәмелетке толмағандардың Орталықта болу мерзіміне денсаулық сақтау саласындағы уәкілдегі орган жариялаған карантин кезеңі, сондай-ақ кәмелетке толмағандардың ауруына байланысты, денсаулық сақтау ұйымында болу уақыты және де стационарлық көмек беруі енбейді.

9. Орталыққа алкогольдік, есірткілік немесе уытқұмарлық мас болу күйіндегі кәмелетке толмағандар, сондай-ақ айқын психикалық аурудың белгілері бар кәмелетке толмағандар орналастырылуға тиіс емес.

10. Кәмелетке толмағанды Орталықта ұстau мерзімінің бұзылғаны үшін жауапкершілік оның бұзылуына кінәлі органның және мекеменің лауазымды адамдарына жүктеледі.

11. Кәмелетке толмағандарды тәулік бойы қабылдау және ұстau режимін қолдауды тәуліктік наряд кезекшісі қамтамасыз етеді. Наряд басшысы міндетті түрде Орталықтың офицерлік құрамы қатарындағы лауазымды адам болып табылады.

12. Орталыққа орналастырылған кәмелетке толмағандардың тәуліктік азық-түлік алуға үлесі, киіммен, аяқ киіммен қамтамасыз ету, "Мұқтаж азаматтарға олардың білім алу кезеңінде берілетін әлеуметтік көмектің мөлшері мен көздері туралы" Қазақстан Республикасы Үкіметінің 2000 жылғы 17 мамырдағы N 738 қаулысымен белгіленген нормалар бойынша жүзеге асырылады.

13. Орталыққа орналастырылған кәмелетке толмағандар жасына және жынысына қарай топтар бойынша орналастырылады және тәулік бойы бақылауда болады. Топтардағы адам саны 20-дан аспауы тиіс.

1 4 . < * >

Ескерту. 14-тараудың күші жойылды - ҚР Әділет министрінің 2010.05.06 N 157, ҚР Денсаулық сақтау министрінің 2010.05.18 N 350 және ҚР Ішкі істер министрінің 2010.06.14 N 272 (ресми жарияланған бірінші күнінен бастап қолданысқа енгізіледі) Бірлескен бұйрығымен.

15. Орталыққа орналастырылған кәмелетке толмағандарды ұстau тәртібі:
1) Орталықта ұсталатын кәмелетке толмағандарды тәулік бойы қадағалаумен және
б а қ ы л а у м е н ;

- 2) оқу-тәрбие жұмысы, әлеуметтік-педагогикалық бейімдеу және оңалту жүйесімен;
- 3) ұстаудың белгіленген тәртібі мен жеке гигиена ережелерін сақтаумен және қолдаумен;
- 4) Орталық басшыларының рұқсатынсыз мекеме аумағынан тыс жерге еркін шығу мүмкіндігін болдырмаумен анықталады.

16. Ұстаудың белгіленген тәртібін бұзған кәмелетке толмағандармен Орталықтың психологы және профилактика инспекторы жеке-тәрбие жұмысын жүргізеді, ол туралы жасөспірімге толтырылатын қадағалау ісіне тиісті жазба жазылады.

17. Кәмелетке толмағанды Орталыққа орналастыру алдында жасөспіріммен бір жыныстағы тұлға болып табылатын кезекшілік наряд қызметкерлері, кәмелетке толмағанды алып келген адамның қатысуымен оған жеке тексеру жүргізеді.

18. Анықтау, алдын-ала тергеу барысында сақтауға алынған қопарылғыш құрылғыларды, ататын мылтықтарды, қару-жарактарды, қопарылғыш заттарды, радиоактивті материалдар, есірткілік құралдарды, психотроптық, тез әсер ететін және улы заттарды сақтау тиісті сот сараптамасы мекемесінде тексерілгенен кейін тек, ҰҚҚ шаруашылық бөлімшелерінде, әскери бөлімдердің немесе тиісті мемлекеттік кәсіпорындардың арнайы жабдықталған ғимараттарда жүргізіледі.

Жеке тексеру хаттамамен ресімделеді, онда алып қойылған барлық заттар мен нәрселер нөмірлері, сериялары және айқын ерекшеліктері көрсетіле отырып, толық жазылады.

19. Қылмыстық, азаматтық істер және әкімшілік құқық бұзушылықтар туралы істер бойынша заттай дәлелдемелер болып табылатын нәрселерді, заттарды және құжаттарды алу және сақтау Қазақстан Республикасының Әділет министрлігінде 1998 жылғы 30 желтоқсанда N 658 болып тіркелген Қазақстан Республикасы Әділет министрінің 1998 жылғы 11 желтоқсандағы N 121, Қазақстан Республикасы Бас прокурорының 1998 жылғы 1 желтоқсандағы N 1043 ца, Қазақстан Республикасының Ұлттық қауіпсіздік Комитеті төрағасының 1998 жылғы 8 желтоқсандағы N 73, Қазақстан Республикасы Қаржы министрінің 1998 жылғы 22 желтоқсандағы N 598, Қазақстан Республикасы Ішкі істер министрінің 1998 жылғы 2 желтоқсандағы N 429, Қазақстан Республикасы Мемлекеттік кіріс министрінің 1998 жылғы 28 желтоқсандағы N 111 бірлескен бұйрығымен бекітілген "Соттың, прокуратура, алдын-ала тергеу, анықтау, сот сараптамасы органдарының қылмыстық, азаматтық істер жөніндегі және әкімшілік құқық бұзушылық істері туралы құжаттарды, заттай дәлелдемелерді алу, есепке алу, сақтау, беру және жою тәртібі туралы" нұсқаулыққа сәйкес жүзеге асырылады.

20. Орталыққа орналастырылған кәмелетке толмағандарға бақылау істері (5-қосымша) ашылады, олардың көшірмелері жасөспірімдердің тұрғылықты жеріндегі аумақтық ішкі істер органдарына немесе одан әрі ұсталатын жеріне сәйкес білім беру үйіміна жіберіледі. Орталыққа орналастырылған кәмелетке толмағандар туралы ақпарат осы мекемеге бекітілген ПББ-ПБ Криминалдық полиция басқармасының қызметкеріне ұсынылады.

21. Байқау ісі бойынша жұмыс аяқталғаннан кейін кәмелетке толмағанды Орталыққа орналастыру себептері және онымен қандай профилактикалық жұмыс жүргізілгені туралы ақпарат көрсетіле отырып, Орталық бастығы дәлелді қаулы шығарады, оның көшірмесі жеке номенклатуралық іске тігіледі.

22. Орталықта ұсталатын кәмелетке толмағандармен профилактикалық, бейімдеу және оңалту жұмысын үйімдастыру мен орналастыру негіздерін, жасаған іс-әрекетінің маңызын, педагогикалық бақылаусыздық деңгейін, жасын, отбасылық-тұрмыстық жағдайларды және жасөспірімге теріс әсер тигізген мән-жайларды ескере отырып, жүзеге асырылады.

23. Арнаулы білім беру үйімдарына және ерекше режимде ұстайтын білім беру үйімдарына жіберілетін кәмелетке толмағандармен құқықтық оқыту және осында болуына байланысты алдағы жағдайларға әлеуметтік-педагогикалық бейімдеу жүргізіледі.

24. Қамқоршысыз қалған кәмелетке толмағандарға қатысты Орталықтың қызметкерлері одан әрі оларды қорғаншы және қамқоршы органдарына беру үшін қажетті құжаттарды ресімдейді.

25. Ишкі істер органы қызмет көрсететін аумақтан тыс жерде тұратын кәмелетке толмағандарды Орталықтың қызметкерлері олардың тұрғылықты жерлеріне жеткізеді не болмаса оларға келген ата-аналарына немесе оларды ауыстырушы адамдарға, не болмаса балалар мекемелері немесе өзге де білім беру үйімдарының өкілдеріне белгіленген ұлгідегі актінің (2-қосымша) негізінде береді.

26. Қазақстан Республикасының аумағынан тыс жерде тұратын кәмелетке толмағандарды тұрақты тұратын жеріне жеткізу қамқоршысыз қалған балалар мен жасөспірімдерді олар тұратын мемлекеттерге қайтару тәртібін реттейтін халықаралық келісімдерге сәйкес Транзиттік орталық (4-қосымша) арқылы жүзеге асырылады.

27. Қазақстан Республикасының аумағында тұрақты тұратын қадағалаусыз және панасыз қалған кәмелетке толмағандарды оларға келген ата-аналарына немесе оларды ауыстырушы адамдарға береді не болмаса Орталықтың қызметкерлері оларды тұрғылықты жерлеріне жеткізеді.

28. Жасөспірім қыздарға еріп журуді тек қана әйел қызметкерлер жүзеге асырады.

29. Орталықтан шығатын кәмелетке толмағандар медициналық тексеруден, санитарлық тазартылудан өтеді және тиісті медициналық құжаттармен, сондай-ақ орналасатын жерге дейін тегін жолақымен және азық-түлікпен немесе жол жүру уақытына белгіленген нормалар бойынша ақшамен қамтамасыз етіледі.

30. Ақша, құжаттар, жеке және өзге де қолдануға тыйым салынбаған және Орталыққа орналастыру кезінде алынып қойылған бұйымдар мен заттарды кәмелетке толмағанның қатысуымен мекеме қызметкерлері:

1) ата-аналарына немесе олардың орнындағы адамдарға;

2) көрсетілген бағалы заттарды ата-аналарына немесе олардың орнындағы адамдарға тапсыру үшін кәмелетке толмағандармен ілесіп жүретін Орталықтың лауазымды адамдарына, балалар мекемесінің немесе өзге де білім беру үйімінің өкілдеріне қайтарып береді.

31. Қажет болған жағдайда кәмелетке толмағандарды алыш кетуге келген адамдарға Орталықта дем алу үшін орын беріледі.

33. Көліктегі ішкі істер органдарының қызметкерлері кәмелетке толмағандарды тұрғылықты жеріне жеткізу үшін келген адамдарға қажетті көмек көрсетуі керек.

34. Егер кәмелетке толмағанды ұстау кезінде оның қылмыс жасағаны үшін қылмыстық қудалау органы іздестіріп жатқандығы анықталса және оған қатысты бұлтартпау шарасы ретінде қамауға алу белгіленген болса, онда ол уақытша ұстау изоляторына дереу ауыстырылуы тиіс.

3. Кәмелетке толмағандарды уақытша оқшаулау, бейімдеу және оңалту орталықтары лауазымды адамдарының функционалдық міндеттері

35. Орталықтың бастығы:

1) ұстау режимін және кәмелетке толмағандарды орналастыру тәртібін, емдеу-профилактикалық және эпидемияға қарсы іс-шаралар кешенін өткізуі, кәмелетке толмағандарды орналастыру орындарына жеткізу процесін бақылайды, жедел және жоспарлы медициналық көмек көрсетуді қажет ететіндерді дер кезінде ауруханаға жатқызууды үйімдастырады;

2) кәмелетке толмағандардың арасындағы құқық бұзушылықтардың және қадағалаусыз, панасыз қалудың алдын алуға қатысты мәселелер бойынша жеке және занды тұлғалардың арыздары мен шағымдарын қарайды;

3) Орталық қызметкерлерінің және қызмет көрсететін персоналдың функционалдық міндеттерін, жұмыс жоспарларын, кестелерін әзірлейді және бекітеді;

4) материалдық құндылықтар мен жабдықтардың сақталуына жауап береді;

5) өз құзыретінің шегінде Орталықтың қаржылық-шаруашылық қызметін жүзеге асырады.

36. Орталық бастығының орынбасары:

1) балалар мен жасөспірімдер арасында профилактикалық және тәрбие жұмыстарын ұйымдастырады;

2) жасөспірімдерге, олардың белгіленген ішкі тәртіп ережелері мен режимді сақтауына тәулік бойы бақылау жасауды ұйымдастырады;

3) жалпы білім беретін мектептердің бағдарламасына сәйкес оқыту процесіне басылыш жасайды;

4) материалдардың ресімделуін және кәмелетке толмағандардың ісі және олардың құқықтарын қорғау жөніндегі комиссияға, сотқа, қорғаншы және қамқоршы органдарына және өзге де мүдделі ведомстволар мен ұйымдарға дер кезінде жіберілуін бақылайды.

37. Профилактика аға инспекторы (инспектор) жасөспірімдердің жеке басын және биографиялық деректерін, кәмелетке толмағандар арасындағы құқық бұзушылықтарға қадағалаусыз және панасыз қалуға ықпал ететін себептер мен жағдайларды анықтау жөніндегі іс-шараларды жүргізеді.

38. Тұрмыстық және еңбекке орналастыру жөніндегі инспектор Жұмыспен қамту орталығымен, қорғаншы және қамқоршы органдарымен бірлесе отырып, қамқоршысыз қалған кәмелетке толмағандарды еңбекке орналастыру мәселелерін шешеді, оларды қоғамға бейімдеу жөнінде шаралар қабылдайды.

39. Инспектор-психолог Орталыққа орналастырылған кәмелетке толмағандарды әлеуметтік бейімдеу және оналту жөніндегі іс-шараларды жүзеге асырады.

40. Орталық бастығының режим жөніндегі кезекші көмекшісі кәмелетке толмағандарды тәулік бойы бақылауды, оларды тұнгі уақытта қабылдауды және орналастыруды жүзеге асырады, осы мезгілде кәмелетке толмағандардың өз еркімен Орталықтан тысқары кетуіне немесе Орталық жағдайында құқық бұзушылыққа және материалдық құндылықтардың сақталуына дербес жауап береді.

Орталық бастығының режим жөніндегі кезекші көмекшісінің лауазымы штаттық кестеде болмаған жағдайда оның функцияларын орындау кезекші топтың офицерлік құрамдағы адамдары қатарынан мекеменің өзге қызметкеріне жүктеледі.

41. Режим жөніндегі аға кезекші, режим жөніндегі кезекші кәмелетке толмағандарды тәулік бойы бақылауды жүзеге асырады, Орталық ғимаратын және оған іргелес аумақты күзетуді қамтамасыз етеді.

42. Кезекші-эвакuator кәмелетке толмағандарды олар тұратын, орналастырылатын немесе белгіленген жерге жеткізуді жүзеге асырады.

43. Орталықтың қызметкерлерін функционалдық міндеттерін орындаумен байланысты емес жұмысқа тартуға үзілді-кесілді тыйым салынады.

4. Кәмелетке толмағандарды уақытша оқшаулау, бейімдеу және оқалту орталықтарының қызметі туралы есеп беруі

44. Орталық қызметінің нәтижелері туралы есеп баяндау хатпен ресімделеді, ол жылына 2 рет тиісінше шілденің және қантардың 10-на ұсынылады.

45. Баяндау хатта Орталық қызметінің мынадай бағыттары:

1) орналастырылған кәмелетке толмағандардың контингентін талдау;
2) Орталықта ұсталатын кәмелетке толмағандармен жеке профилактикалық жұмыс шараларын ұйымдастыру;

3) қалалық, аудандық, желілік ішкі істер органдарымен, қамқорлық және қорғаншылық органдарымен, кәмелетке толмағандардың ісі және олардың құқықтарын қорғау жөніндегі комиссиялармен өзара іс-қимыл жасасуды ұйымдастыру;

4) кадрлармен жұмыс бойынша ақпараттар болуы керек.

5. Кәмелетке толмағандарды уақытша оқшаулау, бейімдеу және оқалту орталықтарын қаржылық және материалдық-техникалық түрғыдан қамтамасыз ету

46. Кәмелетке толмағандарды уақытша оқшаулау, бейімдеу және оқалту орталықтарын жергілікті атқару органдары құрады, олар заңды тұлғалар болып табылады, өз мөрі, Қазақстан Республикасының банкінде есеп айырысу шоты бар және дербес баланста болады.

47. Орталықтың техникалық беріктілігі кәмелетке толмағандардың бақылаусыз кіру және мекемеден тысқары шығуын болдырмайтын ұстau жағдайын қамтамасыз етуі қажет.

48. Алға қойған міндеттерді шешуді қамтамасыз ететін жағдайлар жасау үшін ұйықтайтын бөлмелерді, денсаулық пунктін және карантин бөлімшелерін, тамақ дайындастырын орынды, спорт немесе ойын залдарын, оқу сыйнаптарын, серуендеу ауласын орналастыру үшін белгіленген нормативтер бойынша Орталықтың жабдықталған үй-жайлар кешені болу керек.

49. Орталық белгіленген тәртіппен қажетті мөлшерде автокөлікпен және тұтынуға сәйкес мақсатты берілген жанар-жағар май материалдарымен қамтамасыз етіледі.

50. Орталықты қаржыландыру жергілікті бюджет қаражаты есебінен жүзеге асырылады. Орталықтар қолданыстағы заңнамаға сәйкес заңды және жеке

тұлғалардан қайырымдылық көмектер түрінде келіп түскен қаражаттарды пайдалана алады.

Кәмелетке толмағандарды
уақытша оқшаулау, бейімдеу
және оңалту орталығы
туралы Ережеге 1-қосымша

"БЕКІТЕМІН"

Прокурор (судья, қамқоршылық
және қорғаншылық органды)

(прокуратураның, соттың өнірлік атауы)

(тегі, аты-жөні, қолы)

200 жылғы «__» ____

Кәмелетке толмағандарды уақытша оқшаулау, бейімдеу
және оңалту орталығына орналастыру туралы
ҚАУЛЫ

200 жылғы "___" ___ "___" сағат "___" минут
Мен, _____
Лауазымды адамның лауазымы, атағы, тегі, аты-жөні

кәмелетке толмағанның тегі, аты, әкесінің аты, тұған күні, айы,

жылы мен жері, оқу (оқу мекемесі, сынып, топ), жұмыс орны,

ата-анасының өмірбаяндық деректері, олардың жұмыс орны, лауазымы,

тұратын жері, телефоны)
материалдарын қарап,

Анықтады:

(Кәмелетке толмағандарды уақытша оқшаулау, бейімдеу және
оңалту орталығына орналастыру жағдайлары мен негіздерінің

тармақтары көрсетіледі)

Қаулы еттім:

Кәмелетке толмаған _____
(тегі және аты-жөні)

кәмелетке толмағандарды уақытша оқшаулау, бейімдеу және оңалту орталығына жіберілсін.

Қолы

(ІІО - ның атауы)

(қаулыны толтырған лауазымды адамның лауазымы, атағы, тегі

және аты-жөні)

Кәмелетке толмағандарды
уақытша оқшаулау, бейімдеу
және оңалту орталығы
туралы Ережеге 2-қосымша

Кәмелетке толмағандарды беру туралы

Акт

Мен

(лауазымы, атағы, тегі, аты-жөні)

200 __ жылғы " __ " __ __ __ сағат __ __ минутта кәмелетке толмаган

(тегі, аты, әкесінің аты,

(балалар мекемесіне немесе білім беру үйіміна берген кездегі

жолдаманың атауы мен нөмірі, лауазымды адамдардың тегі;

ата-аналарына немесе оларды ауыстыратын адамдарға берген кездегі

жасөспірімді қабылдан алушы адамның тегі, аты, әкесінің аты,

туыстық дәрежесі, паспорттының сериясы мен нөмірі, қашан және

кімнің бергені, мекенжайы көрсетіледі)

бердім.

Кәмелетке толмағанмен бірге мынадай заттар, ақша, бағалы
заттар, құжаттар берілді

(ата п көрсетіледі)

Ескертпе

Тапсырдым

(лауазымы, тегі, қолы)

Қабылдап алдым _____

(баланы қабылдап алған адамның тегі, қолы)

200 _____ жылғы "____"

Кәмелетке толмағандарды
уақытша оқшаулау, бейімдеу
және оқалту орталығы

туралы Ережеге З-қосымша

Кәмелетке толмағандарды уақытша оқшаулау,
бейімдеу және оқалту орталықтарының штаттық санының

Үлгілік күрылымы

Лауазымдардың Атауы	Арнаулы атағы (персоналдың санаты)	Толықтыру лимиті кезіндегі штаттық саны (төсек-орын)				
		10 - 25	26 - 40	41 - 60	61 - 80	81 - 110
Бастық	п о л и ц и я капитаны	1	1			
	п о л и ц и я майоры			1	1	
	П о л и ц и я подполковнігі					1
Бастықтың орынбасары	п о л и ц и я капитаны			1	1	
	полиция майоры					1
профилактиканың аға инспекторы	Полиция аға лейтенанты	1	1			
	п о л и ц и я капитаны			1	1	1
Профилактиканың инспекторы	П о л и ц и я лейтенанты	1	1			
	Полиция аға лейтенанты			1	2	3
Тұрмыска және енбекке орналастыру жөніндегі инспектор	П о л и ц и я лейтенанты	1	1			
	Полиция аға лейтенанты			1	1	2
Инспектор-психолог	П о л и ц и я лейтенанты	2	2			
	Полиция аға лейтенанты			2	2	3
Орталық бастығының кезекші көмекшісі	Полиция аға лейтенанты				3	3
Жиыны		6	6	7	11	14

Режим аға кезекші	жөніндегі	П о л и ц и я старшинасы			1	3	3
Режим кезекші	жөніндегі	Полиция аға сержанты	3	3	3	6	6
Кезекші-эвакуатор		Полиция аға сержанты	2	3	3	4	6
Жұргізуши-полиция қызметкері		Полиция аға сержанты	1	1	1	2	2
Жиыны			6	7	8	15	17
Педиатр-дәрігер	Маман					1	1
Фельдшер	Маман		1	1	1	1	1
Бухгалтер	Маман				1	1	1
Бухгалтер-кассир	Қызметші		1	1	1	1	1
Машинист	Қызметші		1	1	1	1	1
Шаруашылық менгерушісі	Қызметші		1	1	1	1	1
Бас аспаз	Жұмысшы					1	1
Аспаз	Жұмысшы		2	2	2	2	2
Ас үй жұмысшысы	Жұмысшы		1	1	2	2	2
Дезинфектор	Жұмысшы		1	1	1	1	1
Кір жуушы	Жұмысшы					1	2
Қызметтік үй-жайды сыпышуры	Жұмысшы		1	1	1	1	2
Аула жұмысшысы	Жұмысшы		0,5	0,5	1	1	1
Сантехник	Жұмысшы					0,5	0,5
Электрик	Жұмысшы					0,5	0,5
Жиыны			9,5	9,5	12	16	18
Барлығы			21,5	22,5	27	42	49

Ескертпе: Кәмелетке толмағандарды уақытша оқшаулау, бейімдеу және оңалту транзиттік орталықтарының аттестацияланған құрамының штаттық саны 26 қызметкерден кем болмауы керек.

Кәмелетке толмағандарды
уақытша оқшаулау, бейімдеу
және оңалту орталығы
туралы Ережеге 4-қосымша

Кәмелетке толмағандарды уақытша оқшаулау, бейімдеу және оңалту транзиттік орталықтарының және олардың балалар мен жасөспірімдерді тұратын мемлекеттеріне қайтаруы жөніндегі жұмыстарының негізгі бағыттарының
Тізбесі

Алматы қаласы ПББ-нің және Оңтүстік Қазақстан облысы ПББ-нің (Шымкент қаласы) Орталықтары Қыргызстан Республикасы, Тәжікстан Республикасы, Түркіменстан Республикасы және Өзбекстан Республикасы үшін транзиттік болып табылады.

Маңғыстау облысы ПБ-нің (Ақтау қаласы) Орталығы Әзіrbайжан Республикасы, Армения Республикасы және Грузия Республикасы үшін транзиттік болып табылады.

Шығыс Қазақстан облысы ПББ-нің (Өскемен қаласы), Солтүстік Қазақстан облысы ПБ-нің (Петропавл қаласы), Батыс Қазақстан облысы ПБ-нің (Орал қаласы), Павлодар облысы ПБ-нің (Павлодар қаласы) Орталықтары Беларусь Республикасы, Балтық елдері, Молдова Республикасы, Украина Республикасы және Ресей Федерациясы үшін транзиттік болып табылады.

Кәмелетке толмағандарды уақытша оқшаулау, бейімдеу және оңалту орталығы туралы Ережеге 5-қосымша

N —— Бақылау ісі

Тегі _____

Аты _____

Әкесінің аты _____

Анықталған мәліметтер

Тегі _____

Аты _____

Әкесінің аты _____

Тұған күні, айы, жылы

200__ жылғы "___" ____ түсті.

200__ жылғы "___" ____ кетті.

_____ парақта.

Бақылау ісіне төмендегі құжаттар қоса беріледі:

1. Кәмелетке толмағанды Орталыққа орналастыру туралы қаулы.
2. Жеке тексеру хаттамасы.
3. Кәмелетке толмағанның сауалнамасы (9-қосымша).
4. Кәмелетке толмағанның жасын растайтын құжаттар.

5. Ата-анасының немесе оларды ауыстыратын адамдардың болуы, олардың тұратын жері туралы мәліметтер.
 6. Профилактикалық жұмыс жүргізу материалдары.
 7. Денсаулық жағдайы туралы анықтама.
 8. Арматуралық тізімдер.
9. Өзге де құжаттар.

Кәмелетке толмағандарды
уақытша оқшаулау, бейімдеу
және оңалту орталығы
туралы Ережеге 6-қосымша

**Жеткізілген кәмелетке толмағандарды
Есепке алу журналы**

(кәмелетке толмағандарды уақытша оқшаулау, бейімдеу және оңалту
орталығының атауы)

200 жылғы "—" басталды.

200 жылғы "—" аяқталды.

Журналдың бағандары:

Р е т т і к н ө м і р і .

КТУОБОО-ға жеткізілген күні мен уақыты.

Жеткізілгеннің тегі, аты, әкесінің аты.

Тұған жылы, айы, күні.

Ата-анасы немесе оларды ауыстыратын адамдар туралы мәліметтер.

Тұрғылықты жері, телефоны (қажет болған жағдайда жасөспірім тәрбиеленген балалар мекемесінің атауы көрсетіледі).

Кім жеткізді (толық деректер).

КТУОБОО-ға орналастырудың негізі.

КТУОБОО-дан кеткен күні.

Жасөспірім кімге және қайда жіберілді.

Берудің негіздері.

Кәмелетке толмағанды берген лауазымды адамның тегі.

Кәмелетке толмағанды қабылдап алған адамның тегі, аты, әкесінің аты, қолы.

Журнал нөмірленеді, тігіледі және КТУОБОО бастығының қолымен және мөрімен бекітіледі.

Кәмелетке толмағандарды
уақытша оқшаулау, бейімдеу

туралы Ережеге 7-қосымша

N ____ Есепке алу - статистикалық карточкасы

1. Тегі _____
2. Аты _____
3. Әкесінің аты _____
4. Тұған күні, айы, жылды және тұған жері _____
5. Тұратын жері _____
6. Білімі _____
(оку орны, сынып, топ)
7. Ата-анасты туралы мәліметтер _____
(тегі, аты, әкесінің аты,

туған күні, айы, жылды, тұратын жері, жұмысы)

8. Орналастыру негізі (керегін сзыу керек): қылмыстық жауаптылыққа тартылатын жасқа жеткенге дейін қоғамға қауіпті әрекет жасаған, қылмыс жасағандығы айыпталған, ерекше режимде ұстайтын арнаулы білім беру ұйымдарына жіберілген, қадағалаусыз және панасыз қалған, ата-анасының немесе оларды ауыстыратын адамдардың қамқорлығының қалған.
 9. Ішкі істер органдарында есепте тұрды ма: иә, жоқ _____
 10. Қылмыстық жауапкершілікке тартылды ма: иә, жоқ _____
 11. Ерекше белгілері _____
-
-
-
-
-

Есепке алу-статистикалық карточкасының келесі жағы

Келген күні	Кеткен күні	Кімге және қашан берді	Есепке алу ісінің нөмірі